

Б о с н а и Х е р ц е г о в и н а
БРЧКОДИСТРИКТ
БОСНЕ И ХЕРЦЕГОВИНЕ
СКУПШТИНА БРЧКОДИСТРИКТА

B o s n a i H e r c e g o v i n a
BRČKO DISTRIKT
BOSNE I HERCEGOVINE
SKUPŠTINA BRČKO DISTRIKTA

U skladu s članom 45 Poslovnika Skupštine Brčko distrikta BiH – prečišćeni tekst («Službeni glasnik Brčko distrikta BiH» broj 11/03) i Prijedlogom odluke gradonačelnika o zaduženju Brčko distrikta BiH po projektu: projektovanje i izgradnja sistema za prečišćavanje vode rijeke Save u vodu za piće kapaciteta 330 l/s po principu „ključ u ruke“ broj: 01-014-009011/06 od 11. 07. 2006. godine, Skupština Brčko distrikta BiH na 35. sjednici održanoj 19. jula 2006. godine, donijela je

O D L U K U

O ZADUŽENJU BRČKO DISTRIKTA BiH PO PROJEKTU: PROJEKTOVANJE I IZGRADNJA SISTEMA ZA PREČIŠĆAVANJE VODE RIJEKE SAVE U VODU ZA PIĆE KAPACITETA 330 l/s PO PRINCIPU «KLJUČ U RUKE»

Član 1

Odobrava se zaduženje Brčko distrikta BiH po projektu “Projektovanje i izgradnja sistema prerade vode iz rijeke Save u pitku vodu kapaciteta 330 l/s po principu «ključ u ruke» (u daljnjem tekstu: projekat) u iznosu do 9.761.225,75 eura, koji se sastoji od:

- soft loan kredit vlade Republike Austrije u iznosu od 4.961.978,86 eura,
- dugoročni kredit putem Hypo-Alpe-Adria Bank a. d. Banja Luka u iznosu do 4.799.246,89 eura,

a namijenjena su za finansiranje do 90% investicije po projektu, čija je cijena iz ugovora 10,845.806,39 eura.

Član 2

Uslovi pod kojima će se Brčko distrikt BiH zadužiti:

a) Soft loan kredit vlade Republike Austrije:

- vrijeme i važnost ugovora - do 15 godina;
- grace period – do 5,5 godina od momenta izdavanja upotrebne dozvole;
- kamatna stopa - 0,0 %;
- otplata – 20 jednakih polugodišnjih rata;
- garantovana premija – 388.028,00 eura ili 756.654,60 KM;
- OEKB – otplata na kvartalnoj bazi po kamatnoj stopi 1,078 %;
- troškovi odobravanja kredita – 0,375 % jednokratno;
- ostali troškovi – eura 15.000,00 jednokratno;
- Troškovi pripravnosti kredita – 0,975 % plativo polugodišnje, dekurzivno na preostali iznos kredita za period dostupnosti;

b) Kreditna sredstva dugoročnog kredita putem HYPO – ALPE ADRIA BANK A. D. Banja Luka:

- otplata kredita: 15 godina;
- rok korištenja 24 mjeseca;
- otplata u 180 jednakih, uzastopnih mjesečnih anuiteta. Prvi anuitet dopijeva nakon preuzimanja objekta – fabrike vode, u skladu s ugovorom o kupoprodaji, ali u svakom slučaju najkasnije nakon 24 mjeseca po stupanju na snagu ugovora;
- kamatna stopa: 6-mjesečni EURIBOR + kamatna marža od 2,6% na godišnjem nivou, s tim da je obračun kamata mjesečan. Kamata u toku korištenja je u visini redovne (EURIBOR fiksiran s 31.12. i 30. 06 za cijeli 6-mjesečni period, zaokružen za narednu veću četvrtinu);
- naknada za obradu: 0,20 % fiksno, jednokratno, s rokom plaćanja od najviše 30 dana od dana odobrenja o zaduženju Skupštine Brčko distrikt BiH;
- naknada za neiskorišteni dio kredita: bez naknade;
- mogućnost smanjenja komercijalnog kredita: bez naknade.

Član 3

Period amortizacije kapitalne investicije koja se finansira iz kreditnih sredstava je 30 (trideset) godina.

Član 4

Do obezbjeđenja soft loan kredita, a radi zatvaranja finansijske konstrukcije, gradonačelnik Brčko distrikta BiH ima odobrenje da potpiše dugoročni kredit putem HYPO – ALPE ADRIA BANK A. D. Banja Luka u iznosu od 9.761.225,75 eura, a nakon što soft loan kredit bude raspoloživ za investiciju, da preduzmu radnje za umanjeње komercijalnog kredita za iznos od 4.961.978,86 eura, koliko iznosi SOFT LOAN zaduženje.

Član 5

Zadužuje se gradonačelnik da formira pregovarački tim koji će učestvovati u pregovorima između Ministarstva finansija BiH, koje zastupa Vijeće ministara BiH, Bank Austria Creditanstalt AG, Wien, Austrija, po pitanju potpisivanja Kreditnog ugovora SOFT LOAN kredita.

Član 6

Gradonačelnik, po obezbjeđenju SOFT LOAN kredita, je ovlašten da s Ministarstvom finansija BiH potpiše supsidijarni sporazum na osnovu potpisanog i ratifikovanog Ugovora o spoljnom zaduženju u Parlamentu BiH.

Član 7

Zadužuje se gradonačelnik da u roku od 30 dana od dana zaduženja prosljedi Skupštini Brčko distrikta BiH izvještaj o zaduženju koji definiše stvarne uslove zaduženja.

Član 8

Za realizaciju ove odluke zadužuje se Vlada Brčko distrikta BiH (nadležna odjeljenja).

Član 9

Ova odluka stupa na snagu danom donošenja i objavit će se u "Službenom glasniku Brčko distrikta BiH".

Broj: 0-02-022-104/06
Brčko, 19. juli 2006. godine

PREDSJEDNIK
SKUPŠTINE BRČKO DISTRIKTA

Prof. dr. Milan Tomić

DOSTAVLJENO:

1. Gradonačelniku,
2. Predsjedniku Skupštine,
3. Potpredsjedniku Skupštine,
4. Direktor Uprave prihoda;
5. Šefu Odjeljenja za komunalne poslove;
6. Šefu Odjeljenja za budžet i finansije;
7. Stručnoj službi Vlade,
8. Arhivi.